

KJKP“Park“ doo Sarajevo

Broj P- 2925-4
Sarajevo,27.10.2010.

Na osnovu člana 5 Zakona o porezu na dodatu vrijednost (Sl.glasnik BiH br.9/05i 35/05) člana 11 Pravilnika o primjeni Zakona o porezu na dodanu vrijednost (Sl.glasnik BiH br.93/05,21/06 ,60/06 i 6/07) i člana 33 i 37 Statuta KJKP“Park“ doo na prijedlog Uprave Nadzorni odbor na svojoj 4 sjednici održanoj dana 27.10.2010 godine donio je slijedeću

ODLUKU

I Donosi se Pravilnik o dopuštenoj visini kala,rastura ,kvara i loma KJKP“Park d.o.o. Sarajevo.

II Zadužuje se Služba za opšte,pravne i kadrovske poslove da sačini objedinjeni prečišćeni tekst Pravilnika o dopuštenoj visini kala,rastura ,kvara i loma KJKP“Park d.o.o. Sarajevo. i uvrsti sve primjedbe koje je na Pravilnik o dopuštenoj visini kala,rastura ,kvara i loma KJKP“Park d.o.o. Sarajevo KJKP“Park d.o.o. Sarajevo dao Odjel za internu reviziju i Odbor za reviziju uz prethodnu potvrdu zakonitosti Pravilnika o dopuštenoj visini kala,rastura ,kvara i loma KJKP“Park d.o.o. Sarajevo od strane rukovodica Služba za opšte,pravne i kadrovske poslove a skladu sa članom 19 Zakona o javnim preduzećima.

III Ova odluka stupa na snagu danom donošenja.



Predsjednik Nadzornog odbora
Mersa Kustura
Mersa Kustura dipl.pravnik

Dostavljeno:

- 1.Nadzorni odbor
- 2.Odbor za reviziju
- 3.Uprava
- 4.FKS
- 5.Služba za opšte,pravne poslove
- 6.a/a



Pravilnik o dopuštenoj visini kala ,rastura,
kvara i loma u KJKP «Park» d.o.o. Sarajevo
je u skladu sa zakonom

Rukovodilac službe za opšte,
pravne i kadrovske poslove

Doric Jasminka
Dorić Jasminka, dipl.pravnik

PRAVILNIK

O dopuštenoj visini kala, rastura, kvara i loma KJKP "PARK" D.O.O. SARAJEVO

Na osnovu člana 5. Zakona o porezu na dodanu vrijednost,(Službeni glasnik BIH 9/05 i 35/05) člana 11. Pravilnika o primjeni Zakona o porezu na dodanu vrijednost(Službeni glasnik BIH 93/05,21/06, 60/06 ,6/07) i člana 33. Statuta KJKP „Park“ d.o.o. Nadzorni odbor na 4. sjednici održanoj dana 27.10.2010 godine donio je

PRAVILNIK **o dopuštenoj visina kala, rastura, kvara i** **loma u KJKP „Park“ d.o.o. Sarajevo**

Opće odredbe

Član 1.

Pravilnikom o dopuštenoj visini kala, rastura, kvara i loma na materijalu, proizvodima i robi (u daljem tekstu Pravilnik), utvrđuje se visina kala, rastura, kvara i loma u KJKP „Park“ d.o.o.

Član 2.

Pod kalom, rasturom, kvarom i lomom se podrazumijevaju gubici koji nastaju kao posljedica radnji neophodnih u poslovanju i pružanju usluga.

Pod **kalom** se podrazumijeva gubitak na težini ili količini određenog dobra koji nastaje zbog prirodnih procesa isušivanja, smrzavanja, topljenja i kvarenja dobra.

Rastur zaliha nastaje zbog manipulacije, pretovara, prevoza, premještanja dobara, te ostalih postupaka zbog kojih se gubi određena količina proizvoda.

Kvar dobara nastaje zbog djelovanja mikroorganizama i drugih prirodnih procesa, zbog čega proizvodi gube svojstva koja su prihvatljiva za upotrebu.

Lom nastaje u postupcima manipulacije određenim dobrima koji se u tom procesu mogu polomiti.

Član 3.

Kalo, rastur, kvar i lom u KJKP „Park“ d.o.o. se utvrđuje prema mjestu nastanka:

- u procesu proizvodnje,
- prodavnicama,
- skladištu veleprodaje,
- u magacinu materijala.

Član 4.

Kalo, rastur, kvar i lom u KJKP „Park“ d.o.o. se utvrđuje popisom(redovnim ili vanrednim). Popisna komisija, imenovana od strane Direktora KJKP „Park“ d.o.o. , vrši popis uz prisustvo računopolagača, i sastavlja popisne liste i zapisnik o utvrđenom kalu, rasturu, kvaru i lomu.

Komisija je dužna izvršiti uništenje dobara na kojima je došlo do kala, kvara i loma i o tome

sačiniti zapisnik.

Član 5.

Dozvoljeni kalo, rastur, kvar i lom u prodavnicama, skladištu veleprodaje, proizvodnje i materijala utvrđuje se na izlaznu vrijednost.

Dozvoljeni kalo, rastur, kvar i lom u skladištu materijala i proizvodnje u toku utvrđuje se na ukupno utrošenu vrijednost materijala u periodu.

Dozvoljeni kalo, rastur, kvar i lom u skladištu veleprodaje utvrđuje se na ukupnu realizaciju u periodu.

Dozvoljeni kalo, rastur, kvar i lom u prodavnicama na ukupnu realizaciju u periodu raspoređenu na proizvode i robu.

Iz osnovice za obračun kala, kvara, rastura i loma se isključuje vrijednost poklonjenih ili na drugi način nenamjenski potrošenih dobara.

Porezni aspekt kala, rastura kvara i loma

Član 6.

Dozvoljeni kalo, rastur, kvar i lom se obračunava na osnovu člana 11. Pravilnika o primjeni PDV-a, Normativa za utvrđivanje rashoda na koji se ne plaća porez na dodanu vrijednost.

Za dobra koja nisu obuhvaćena Normativom rashoda, količina rashoda se utvrđuje prema normativu KJKP „Park“ d.o.o.

Utvrđeni normativi su sastavni dio ovog Pravilnika.

Član 7.

Kalo, rastur, kvar i lom nastao kao posljedica više sile, prema članu 11. stav 6. Pravilnika o primjeni PDV-a, ne podliježe oporezivanju.

Pod višom silom podrazumijeva se poplava, požar, zemljotres, ratna razaranja i slično na osnovu akta nadležnog organa.

Na kalo, rastur, kvar i lom nastao zbog protoka roka trajanja dobara se ne plaća PDV, ako su ispunjeni propisani uslovi iz člana 11. stav 9. Pravilnika o PDV:

- da je rok trajanja utisnut na ambalaži dobara ili je na drugi način određen od proizvođača,
- da je pri uništenju navedenih dobara prisutan predstavnik sanitarne inspekcije.

Član 8.

Utvrđeni kalo, rastur, kvar i lom koji izlazi iz okvira zakonskog nivoa, regulisanog Pravilnikom ili normativom KJKP „Park“ d.o.o. bit će obuhvaćeni obavezom PDV-a i smatra se vanposlovnom potrošnjom.

Član 9.

Normativ za utvrđivanje rashoda na koji se ne plaća PDV

-Trgovina na malo

R.B.	NAZIV	STOPA%
1	Cvijeće svježe	4,00
2.	Keramika , porcelan, staklo	1,00
3.	Ostalo cvijeće(suho)	2,50
4.	Hemijska sredstva	1,00
5.	Ostalo nespomenuto	0,50

-Trgovina na veliko-50% od procenta za trgovinu na malo

- Skladište materijala

R.B.	NAZIV	STOPA %
1.	Stocna hrana	1,00
2.	Hemijski proizvodi	
	-firnajz, boje i lakovi, git	0,50
	-deterđženti za pranje rublja	0,65
	-sredstva za čišćenje	0,50
	- higijenski proizvodi	0,50
	-ostali hemijski proizvodi	0,50
3.	Gradevinski materijal	
	-cement, gips	0,90
	-mermerne ploce	0,50
	-salonit ploce i cijevi	1,00
	-pijesak šljunak	1,50
	- izolacione mase	0,50
	-izolacioni materijal	1,00
	-ter papir krovni	0,75
	-crijep, opeka, blokovi i gredice	1,00
	-betonski proizvodi	0,50
	-rezana grada i ploce od drva	0,75
	-ostali gradevinski materijal	0,75
	Dizel goriva i lož ulja	0,16
	Motorni i ostali benzini	0,21
	Motorna i druga ulja za podmazivanje	0,00
	Kancelarijski materijal	0,50
	Ostalo nespomenuto	0,50

- Proizvodnja

R.B.	Naziv	Stopa%
1	Sadni materijal	2,00
2	Lukovice	2,00
3.	drveće	2,00
4.	grmlje	2,00
5.	lončanice	2,00
6.	sjemena	2,00
7.	bus	2,00
8.	Parkovski mobilijar	0,00
9.	lumbrihumus	1,00
10.	povrće	2,00
11.	sijeno	0,00
12.	Legla kalif.glista	2,00
13.	Ostalo nepomenuto	2,00

Član 10.

Utvrđeni , dozvoljeni kalo, rastur, kvar i lom tereti troškove perioda.

Uprava KJKP „Park“ d.o.o. za utvrđeni , kalo, rastur, kvar i lom iznad dozvoljenog donosi Odluku o načinu likvidacije istog.

Član 11.

Ovaj Pravilnik stupa na snagu osmog dana od dana objavljivanja na info tabli KJKP „Park“ d.o.o. Sarajevo.



Predsjednik Nadzornog odbora
Mersa Kustura
Mersa Kustura, dipl.pravnik